



**TERTIB ACARA KEBAKTIAN MINGGU  
GKPS P.BULAN-RESORT POLONIA MEDAN  
Minggu XXI DOB TRINITATIS, 01 November 2020  
TOPIK: "REFORMASI PARTONDUYON"**



Live streaming: [www.gkpspadangbulan.com/tv](http://www.gkpspadangbulan.com/tv)  
Tata Ibadah: <http://www.gkpspadangbulan.com/tatib>

**1. *Votum – Introitus – Tonggo***

**P.** Riap ma hita jongjong!

Pasirsir hita ma dirinta laho mamuji pakon pasangpakon Tuhan in! Ibagas Goranni Naibata Bapa, pakon Tuhan Jesus Kristus ampa Tonduy Napansing, Sitompa langit pakon tanoh on. Amen. Marhiteihon-Si do ase ibagas Kristus Jesus nasiam, ai la do gabe hapentaron banta humbani Naibata, hapintoron ampa hapansingon ampa haluahon. Halleluya, halleluya, halleluya.

**K.** Halleluya...halleluya...halleluya

**P. Martonggo ma hita:** Ham Naibata Bapa na itanda hanami ibagas goran ni Anak-mu Tuhan Jesus Kristus. Iparentahkon Ham do marhitei Tonduy-Mu Na Pansing, ase mardamei hanami pakon hasomannami tanda ni na tongon hanami marhaporsayaon hu Bamu. Halani ai totap ma Ham marianan i tongah-tongah ni tumpuannami on, ase tongtong hanami gok damei janah marparsaoran na orod pakon Ham sonai homa age pakon hasomannami. Balosi Ham ma tonngonami marhiteihon Anak-Mu Tuhan Jesus Kristus siboan damei in. Amen. (*Hundul Kuria*).

**2. *Mandoding 402. Puji ma Naibatanta (1+2)***

1. Puji ma Naibatanta bai ianan Na PansingNi in, Bai paratas hamuliaonNi in Halleluya, Halleluya Puji ma Naibata.

Pasangap ma goranNi halani pambahenanNi in, ampakon hagogohonNi in Halleluya, Halleluya pasangap Naibata

Pahata ma tarompit ge arbab pe, irandu pakon gondrang husapi pe Irik homa sarunei ge sordam pe, sonai ampakon ogung marolol bei

Puji ma rumbuk ma baen parhata ni parugas in  
Sombah ma marhiteihonni doding na lurlur ijin

2. Puji ma Naibatanta Sipargogoh na tarsulur in, Parsimada harajaon in Halleluya, Halleluya Puji ma Naibata  
Pasangap ma goranNi, ale ganup na marhosah in, Ningon rup ma mamuji ijin Halleluya, Halleluya Pasangap Naibata  
Pahata ma tarompit ge arbab pe, irandu pakon gondrang husapi pe Irik homa sarunei ge sordam pe, sonai ampakon ogung marolol bei  
Puji ma rumbuk ma baen parhata ni parugas in  
Sombah ma marhiteihonni doding na lurlur ijin

**3. *Hasasapan ni Dousa***

**P. Riap ma hita jongjong!**

Martonggo ma hita! Sopotkon hita ma dousanta hubani Tuhan Naibata. Ham Tuhan Naibata, Simada sagala na adong, Sibotoh haganup anjaha Naibata Parpintor. Iajari Ham do hanami ase manghamalaskon pasu-pasu na dob ipaondos Ham hubannami. Tapi gati lang ihasonangkon hanami sibere-bere-Mu, janah iajamkon hanami do gogoh, pingkiran sonai age uhurnami sandiri, laho mansuhuni sura-surunami. Jajat na hurang podas do pangahapnami martambah sinadongan, gabe ipindahi hanami parhiteian na so tiba dalanni. Lang homa ipakei hanami panorang na binere-Mu in ibagas gok tanggung jawab. Gati do lolei hanami laho mangindahi Ham halani mamparayak arta na laho salpu in. Ham Tuhan marpangulaki ma uhur-Mu mangidah ganup dousa pakon hajahatonnami in. Hartuki Ham ma uhurnami ase ulang inunut hanami be mangkorjahon dousa pakon ganup na jahat in. Topa Ham ma uhur na bayu marhitei Tonduy-Mu, ase tongtong hanami manggoluh ibagas hapintoron-Mu. Ibagas Kristus Jesus sipaluah in, sasap Ham ma dousanami anjaha jalo Ham ma tonggonami on. Amen.

**P.** Tangar anjaha haporsayai hita ma Hata ni Naibata, bagah-bagah pasal hasasapon ni dousa: "Anggo marparlahou hita ibagas haliharon, songon la ibagas na liar in, saor do hita samah hita, anjaha ipaborsih daroh ni Jesus, Anak-Ni in do hita humbani sagala dousa" Ibagas holong ni Naibata, domma isasap haganup dousanta. Halani ai, pataridahkon hita ma tanda-tanda ni pargoluhon na bayu. Hasangapon ma bani Naibata ibabou!

**K. Amen.** (*hundul kuria*)

**4. Mandoding 353. Marsora do Tonduy ni Tuhanta in (3+5)**

3. Tangihon hata-Ni ihutkon ma in,  
ondoskon dirimu bai gomgoman-Nin.  
Pangindo bai Tuhan tongtong tonduy-Nin,  
pargogoh mangkorjahon hata-Ni in.

5. Sai jolom tangan-Ni pangindo ma on:  
Ramoti puhoi au susianmon.  
Pabulat uhurhu patoguh au on,  
manggolom hata-Mu bani goluhkon.

**5. Hata Haporsayaon**

**P. Riap ma hita jongjong!**

Saksihon hita ma haporsayaonta in, songon na sinaksihon ni haganup halak na porsaya bani sab tanoh on!

**P+J.** Ahu porsaya bani Naibata Bapa, Pargogoh na so tarimbang, na manompa langit pakon tanoh on. Ahu porsaya bani Jesus Kristus, Anak ni Naibata na sasada in, in do Tuhanta, na tinubuhkon ni si Maria sanggah nape haliaban, marhitei tonduy na pansing. Na manaron na parngit, bani panorang ni si Pontius Latus, iparsilangkon, matei anjaha itanom, turun hu nagori toruh. Mulak manggoluh hambani na matei bani ari patoluhon. Naik hu surga anjaha hundul i siamun ni Naibata Bapa, Pargogoh na so tarimbang in. Hunjai ma la mulak magira laho manguhumi halak na manggoluh pakon na dob matei. Ahu porsaya bani tonduy na pansing, bani kuria parsadaan na mapansing in, parsoraan ni sagala na mapansing in, bani hasasapan ni dousa, bani parpuhoon ni angkula, pakon bani hagoluhan na sadokah ni dokahni. Amen! (*hundul kuria*)

**6. Persembahan Pujian**

**7. Tingting + Tonggo Pangapition**

**8. Mandoding 138. Jahowa Naibatanta Do (1+3+4)**

1. Jahowa Naibatanta do, tarbaen batar-batarta  
Munsuhta ningon talu do, ibaen parlingodanta  
Ai anggo munsuh in, sibolis gorannin,  
bajan do akalnin parseda jolma in, seng dong na pag mangkubu.

3. Gok pe habiar tanoh on, laho mandorab hita .  
Ulang mabiar hita on, ai ningon monang hita.  
Age manggila pe, sibolis banta bei,  
seng habiaran be; Ai 'ge sa hata pe,  
kuh do manaluhonsi .

4. Ai Hata ni Jahowa in na dong tarkahuasi;  
Tuhanta do sijaga in, ambah ni jabolon-Ni.  
Hosahta, arta pe , na dong in banta pe,  
iayob munsuh in, uhumi ma hujin,  
Tuhanta hasomanta!

**9. Ambilan: 2 Raja-raja 23:1–14**

**10. Manggalang:**

**P.** Paima iondoskon hita galanganta, tangar hita ma lobei hata ni Naibata na gabe onjolan banta laho manggalang, aima tarsurat bani: *Heber 13:16: "Mambahen na madear ampa na marsibere-bere, ulang ma halupahon nasiam ai, ai galangan na sonai do iharosuhkon Naibata"* . **Sonari ondoskon hita ma galanganta!**

**399. Tubuhan Poyon-poyon**

1. Tubuhan poyon–poyon i tongah juma in  
Manggargar manuk manuk bai parasarannin  
Marbagei pakon ihan i bagas laut in  
Ge tinompa na legan seng targorani in  
Ganupan iparmudu Tuhanta Naibata  
Lobihan iparmudu ganupan hita da  
Sonai ge halayakon ibere do homa  
Talup hatahononta diatei tupa ma

2. Ibere do panondang mataniari in  
Bulan ampakon bintang panondang borngin in  
Udan logou ni ari pagantih soluk in  
Sonin ma ganup tingki pajagar tanoh in  
Ganupan iparmudu Tuhanta Naibata  
Lobihan iparmudu ganupan hita da

Sonai ge halayakon ibere do homa  
Talup hatahononta diatei tupa ma

Ipasu-pasu anjaha iparorot Tuhan Naibata ma ham (hita). Isondangkon Tuhanta Naibata ma bohi-Ni hu bamu (hu banta) janah maidop ma uhur-Ni mangidah ham (hita). Idompakhon Tuhan Naibata ma bohi-Ni hu bamu (hu banta) janah ipasorap ma damei-Ni bani tonduymu (tonduytabei).

**11. Tonggo Galangan – Panutup – Pasu-pasu:**

**P.** Riap ma hita jongjong!

Martonggo ma hita mangondoskon galanganta hubani Naibata!

Ham Tuhan Naibata Bapanami, harohanni haganup. Hun Bamu do harohan ni pasu-pasu hu bannami. Ibere Ham do bannami goluh ampa hagoluhan ari-ari. Ham Tuhan, ijon iondoshon hanami ado hu Bamu goluh pakon pasu-pasu na dob binere-Mu in bannami. Sai lambin margogoh ma tongon hanami ihasomani idop ni uhur-Mu ampa pasu-pasu-Mu bani na mandalankon horjanami.papansing Ham ma galangan na ginalangkonnami on gabe galangan na misbou i lobei-lobei-Mu, ase lambin ihargahon hanami tongon dear ni layak-Mu humbani gogoh, pingkiran ampa sinadongannami. Tarima kasih ma Bamu Tuhan. Marhitei Krsitus Tuhannami, jalo Ham ma galangan pakon tonggonami on. Amen.

**K. Amen..... Amen ...Amen!**

**P+K. (mandodingkon Hal. No. 340:1) Huondoskon bani Jesus**

Huondoskon bani Jesus haganupan diringkon

la do pasangaponku sadokah bai goluhkon

Huondoskon ma, huondoskon ma.

Bani Jesus Sipaluah, huondoskon ma.

**P.** Ham Bapanami na i nagori atas. Sai na papansing ma goran-Mu. Sai roh ma harajaon-Mu. Sai saud ma harosuh ni uhur-Mu i nagori tongah on songon na i nagori atas. Bere Ham ma bannami sadari on hagoluhan ari-ari. Sasap Ham ma

dousanami songon panasapnami bani dousa ni hasoman na mardousa dompak hanami. Ulang hanami bobai Ham hu teologi parlajouan. Paluah Ham ma hanami humbani pangagou.

**K. (mandodingkon) Ai ham do simada harajaon, pakon hagogohon, ampa hasangapon, sadokah ni dokahni. Amen.**

**P.** Laho ma nasiam, janah: “Baritahon nasiam ma i tongah-tongah ni sipajuh begu-begu hamuliaon-Ni, i tongah-tongah ni bangsa-bangsa halongangan binahen-Ni ai.”

**P. Jalo hita ma pasu-pasu humbani Tuhan Naibatanta:**